



| | |
|--------|------------|
| Broj : | 70031/21 |
| Datum: | 27.4.2021. |

ZAPISNIK

Sa 5. (pete) sjednice v.d.Upravnog odbora JU "Kantonalni zavod za zaštitu kulturno-historijskog i prirodnog naslijeđa Sarajevo", održane 27.4.2021. godine (utorak) u prostorijama Zavoda, ul. Josipa Šadlera 32. sa početkom rada u 11h.

Sjednici su prisustvovali: Goran Puljić, v.d.predsjednik Upravnog odbora, Sanjin Draganović, Darjan Bilić, Lamija Husić, članovi v.d. Upravnog odbora, Selma Karačević-Kapić, v.d. član imenovan ispred ustanove, Amra Čusto, v.d. direktorica Zavoda, te u tačkama 7. i 8.2. dnevnog reda Maida-Rahić Džananović, pravnica.

Sjednicu je otvorio i sjednicom predsjedavao Goran Puljić v.d. predsjednik Upravnog odbora, nakon čega je predložen sljedeći :

DNEVNI RED

1. Usvajanje zapisnika sa 4. (četvrte) sjednice v.d. Upravnog odbora JU Kantonalnog zavoda za zaštitu kulturno- historijskog i prirodnog naslijeđa Sarajevo
2. Donošenje Odluke o imenovanju v.d. zamjenika predsjednika Upravnog odbora
3. Donošenje Odluke o raspisivanju konkursa za direktora JU Kantonalni zavod za zaštitu kulturno- historijskog i prirodnog naslijeđa Sarajevo
4. Donošenje Odluke o imenovanju Komisije za provođenje postupka i imenovanje direktora Zavoda
5. Rasprava o saglasnostima za popunu upražnjenih radnih mjesta na određeno radno vrijeme
6. Donošenje Odluke o raspisivanju konkursa za radna mjesta na određeno vrijeme
7. Informacija o Ugovoru sa Ministarstvom vanjskih poslova o pružanju usluge stručnog nadzora nad izvođenjem građevinskih radova na uređenju, adaptaciji i natkrivanju (zatvaranju) južnog atrija Zgrade zemaljske vlade II u ulici Musala br.2
8. Razno
- 8.1. Informacija o zahtjevu MUP KS, Sektora kriminalističke policije o izdatom mišljenju Zavoda povodom izgradnje objekta na Vidikovcu (Trebević)
- 8.2. Informacija o upitu Ureda za borbu protiv korupcije i upravljanje kvalitetom KS vezano za izdavanje prostora Žute tabije pod zakup
- 8.3. Rasprava o Reviziji finansijskog poslovanja Zavoda

AD – 1 V.d. Upravni odbor jednoglasno usvaja Zapisnik sa 4. (četvrte) sjednice v.d. Upravnog odbora (br. 04-02-20/21 od 27.4.2021.) održane 10.4.2021. godine.

AD – 2 V.d. Upravni odbor konstatuje da se slaže sa prijedlogom imenovanja Sanjina Draganovića za v.d. zamjenika predsjednika Upravnog odbora, te se isti jednoglasno usvaja.

Odluka: Usvaja se Odluka o imenovanju Sanjina Draganovića za v.d. zamjenika Upravnog odbora JU "Kantonalni zavod za zaštitu kulturno-historijskog i prirodnog naslijeđa Sarajevo" (br.04-02-22/21)



**KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA
SARAJEVO**

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

AD – 3 V.d. Upravni odbor konstatuje da se slaže sa prijedlogom Odluke o raspisivanju konkursa za imenovanje direktora JU “Kantonalni zavod za zaštitu kulturno- historijskog i prirodnog naslijeđa Sarajevo koji se jednoglasno usvaja, te daje nalog da se pokrenu potrebne procedure.

Odluka: Usvaja se Odluka o raspisivanju konkursa za imenovanje direktora JU “Kantonalni zavod za zaštitu kulturno- historijskog i prirodnog naslijeđa Sarajevo“ (br.04-02-23/21 od 29.4.2021.)

AD-4 V.d. Upravni odbor konstatuje da se slaže sa prijedlogom Odluke o imenovanju Komisije za provođenje postupka i imenovanje direktora JU “Kantonalni zavod za zaštitu kulturno- historijskog i prirodnog naslijeđa Sarajevo, te se isti jednoglasno usvaja.

Odluka: Usvaja se Odluka o imenovanju Komisije za provođenje postupka i imenovanje direktora JU “Kantonalni zavod za zaštitu kulturno- historijskog i prirodnog naslijeđa Sarajevo“ (br.04-02-24/21 od 29.4.2021.)

AD-5 U raspravi o saglasnostima za popunu upražnjenih radnih mjesta na određeno radno vrijeme konstovano da je Ministarstvo kulture i sporta KS dalo saglasnost za popunu upražnjenih radnih mjesta na određeno vrijeme do godinu dana na 5 radnih mjesta i to: stručni saradnik za pravne poslove, stručni saradnik za zaštitu prirodne integralne baštine, stručni saradnik za informaciono-dokumentacionu građu, stručni saradnik za informaciono-dokumentaciono-izdavačke poslove i domar-domaćin objekta. Uvidom u zatečeno stanje kadrovske strukture v.d. direktorica je konstatovala da Zavod trenutno nema adekvatnu podršku u kontekstu administrativnih, pravnih i finansijskih poslova, kao i nedostatak stručnih saradnika za zaštitu graditeljske baštine. Također je navedeno da Zavod raspolaže domarom-domaćinom objekta do septembra tekuće godine kada uposlenik stiže uslove za penziju. Zaključeno je da se na osnovu utvrđenih prioriteta pokrenu aktivnosti prema Ministarstvu kulture i sporta KS sa prijedlogom reprogramiranja postojeće saglasnosti ili dopunu iste sa pozicijama tehničkog sekretara, saradnika za plan, analizu i računovodstvo i saradnika za zaštitu graditeljske baštine.

AD-6 U vezi sa prethodnom tačkom dnevnog reda, v.d. Upravni odbor na osnovu izraženih prioriteta jednoglasno usvaja Odluku za raspisivanje konkursa na neodređeno vrijeme za tri radna mjesta: stručni saradnik za pravne poslove, stručni saradnik za zaštitu prirodne integralne baštine i stručni saradnik za informaciono-dokumentacionu građu, uz napomenu da se dalja procedura, kao i vrijeme trajanja ugovora o radu definiira u skladu sa stavom Ministarstva kulture i sporta KS.

Odluka: Usvaja se Odluka za raspisivanje konkursa na neodređeno vrijeme za tri radna mjesta: stručni saradnik za pravne poslove, stručni saradnik za zaštitu prirodne integralne baštine i stručni saradnik za informaciono-dokumentacionu građu (br.04-02-21/21 od 29.4.2021.)

AD-7 Vezano za Ugovor sa Ministarstvom vanjskih poslova o pružanju usluge stručnog nadzora nad izvođenjem građevinskih radova na uređenju, adaptaciji i natkrivanju (zatvaranju) južnog atrija Zgrade zemaljske vlade II u ulici Musala br.2 koji je bivši direktor Nervin Dacić potpisao 3.3.2021. godine, v.d. direktorica je predočila hronologiju aktivnosti i ukazala na veliki broj propusta u postupanju, uključujući pogrešna tumačenja, tajenje činjenica i dokumenata i prema v.d. Upravnom odboru koji je problematizirao predmetni slučaj u prethodnim sjednicama. Konstatovano je da aktivnosti i radovi definirani ugovorom (građevinski, zanatski i instalaterski) ne ulaze u djelokrug rada Zavoda, da isti ugovor nije mogao biti potpisan ukoliko nije planiran Programom rada za 2021. godinu koji usvaja Upravni odbor, da Zavod



**KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA
SARAJEVO**

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

ema kapacitete za izvršenje ovog ugovora, te da se isti može kvalificirati kao štetan. S obzirom na složenost nastale situacije u kojoj Ministarstvo vanjskih poslova potražuje izvršenje usluga koje su definirane ugovorom, a koje Zavod nije u mogućnosti realizirati, zaključeno je da se Ministarstvu vanjskih poslova ponudi sporazumni prekid ugovora, a da se resorno ministarstvo o ovom problemu detaljno upozna i traži instrukcija za dalje postupanje.

AD-8.1. Vezano za zahtjev Sektora kriminalističke policije Ministarstva unutrašnjih poslova KS u vezi sa izdavanjem mišljenja Zavoda povodom izgradnje objekta na Vidikovcu (Trebević), v.d. direktorica je upozнала v.d. Upravni odbor sa detaljima zahtjeva, te je konstatovano da će se Zavod očitovati na isti i pružiti punu saradnju u rješavanju ove problematike.

AD-8.2. V.d. Upravni odbor informisan je o upitu Ureda za borbu protiv korupcije i upravljanje kvalitetom KS vezano za izdavanje prostora Žute tabije pod zakup, a na osnovu Odluke Upravnog odbora. Konstatovano je da v.d. Upravnom odboru nisu bile predočene sve činjenice i dokumenti prilikom odlučivanja, da se izvrši detaljna analiza svih aktivnosti vezanih za izdavanje Žute tabije u zakup, uključujući i prethodne godine, te da se Uredu za borbu protiv korupcije i upravljanje kvalitetom KS pruži puna saradnja i stavi na raspolaganje sva raspoloživa dokumentacija. Po mišljenju Ureda v.d. Upravni odbor će utvrditi korake za dalje postupanje.

AD-8.3. U raspravi vezanu za reviziju finansijskog poslovanja konstatovana je potreba za sprovođenje iste, s obzirom na neusvajanje Izvještaja o radu i finansijskom poslovanju za godine 2018. i 2019. od strane Skupštine KS, činjenice da ista nikada nije sprovedena od strane prethodnih rukovodstava, kao i na recentne slučajeve gdje su uočeni određeni propusti, a o kojima je bilo riječi u tačkama dnevnog reda 7., 8.1. i 8.2. V.d. Upravni odbor izražava zabrinutost zbog problema u procesima protokolisanja, arhiviranja, tajenja i dostupnosti dokumenata, te s tim u vezi daje preporuku da se poduzmu potrebne mjere za rješavanje ove problematike.

Vezano za reviziju finansijskog poslovanja, v.d. Upravni odbor donosi jednoglasnu odluku o pokretanju aktivnosti za sprovođenje eksterne revizije finansijskog poslovanja, te daje nalog da se pokrenu potrebne procedure.

Odluka: Donosi se Odluka o sprovođenju eksterne revizije finansijskog poslovanja za 2018., 2019. i 2020. godinu (br.10016/21 od 30.4.2021.)

Sjednica je završena u 13h.

Zapisnik pripremila
Selma Karačević-Kapić, članica v.d. UO

v.d. Predsjednik Upravnog odbora
Goran Puljić